

საქართველოს კულტურის, სპორტისა და ახალგაზრდობის სამინისტრო

კონკურსი

„სტუდენტი რეჟისორების სპექტაკლების დადგმის ხელშეწყობა“

საკონკურსო დებულება

მუხლი 1. კონკურსის მიზანი

კონკურსის „სტუდენტი რეჟისორების სპექტაკლების დადგმის ხელშეწყობა“ (შემდგომში – კონკურსი) მიზანია:

- ა) სახელოვნებო-საგანმანათლებლო პროცესის ხელშეწყობა;
- ბ) ახალგაზრდა, დებიუტანტ ხელოვანთა წარმოჩენა და პოპულარიზაცია, მათი პროფესიული და კარიერული განვითარების ხელშეწყობა;
- გ) საქართველოს თეატრების რეპერტუარის ახალი შემოქმედებითი ხედვითა და დადგმებით გამდიდრება.

მუხლი 2. კონკურსის პირობები

1. საკონკურსოდ მიიღება პროექტები უმაღლესი სახელოვნებო საგანმანათლებლო დაწესებულებების სტუდენტ რეჟისორთა საბაკალავრო და სამაგისტრო სპექტაკლების სადადგმო ხარჯის მოსაპოვებლად.
2. კონკურსში მონაწილეობის უფლება აქვს საქართველოს ტერიტორიაზე მოქმედ ნებისმიერ თეატრს და/ან ორგანიზაციას, რომელიც ეწევა თეატრალურ საქმიანობას (შემდგომში – კონკურსანტი).
3. ცალკეულ კონკურსანტს შეუძლია მხოლოდ ერთი საპროექტო განაცხადის წარმოდგენა.
4. საკონკურსო დოკუმენტაცია წარმოდგენილი უნდა იყოს ქართულ ენაზე, ხოლო უცხოენოვანი დოკუმენტაციის არსებობის შემთხვევაში აუცილებელია ქართულენოვანი თარგმანი. ქართულ ენაზე თარგმნილი დოკუმენტები სანოტარო წესით უნდა იყოს დამოწმებული (გარდა ინგლისური, ფრანგული, გერმანული და რუსული ენებიდან თარგმანისა).
5. კონკურსში წარმოდგენილი საპროექტო/საკონკურსო განაცხადით გათვალისწინებული პროექტის/ღონისძიების (შემდგომში – პროექტი) დაწყების თარიღად განისაზღვრება არაუადრეს 2023 წლის 6 მარტი, ხოლო პროექტის დასრულების თარიღად – არაუგვიანეს 2023 წლის 1 ნოემბერი.
6. საქართველოს კულტურის, სპორტისა და ახალგაზრდობის სამინისტროს (შემდგომში – სამინისტრო) მიერ კონკურსისათვის გამოყოფილი ბიუჯეტი შეადგენს 45 000 ლარს.
7. კონკურსში უპირატესობა შესაძლოა მიენიჭოს პროექტს, რომელიც განხორციელდება ნებისმიერი რეგიონის თეატრსა და/ან ორგანიზაციაში, რომელიც ეწევა თეატრალურ საქმიანობას.

მუხლი 3. საკონკურსო დოკუმენტაციის წარმოდგენის წესი

1. კონკურსში მონაწილეობისათვის კონკურსანტმა უნდა წარმოადგინოს შემდეგი დოკუმენტები:
 - ა) **განცხადება** – საქართველოს კულტურის, სპორტისა და ახალგაზრდობის მინისტრის სახელზე (შემდგომში – მინისტრი), მინისტრის ინდივიდუალური ადმინისტრაციული – სამართლებრივი აქტით დამტკიცებული ფორმის (დანართი N1) შესაბამისად;
 - ბ) **ინფორმაცია პროექტის შესახებ** – მინისტრის ინდივიდუალური ადმინისტრაციული – სამართლებრივი აქტით დამტკიცებული ფორმის (დანართი N2) შესაბამისად, რომელსაც თან უნდა ერთვოდეს:
 - ბ.ა) შეთანხმება კონკურსანტსა და უმაღლეს სახელოვნებო საგანმანათლებლო დაწესებულებას შორის სტუდენტი რეკისორის შერჩევის შესახებ;
 - ბ.ბ) შესაბამისი უფლებამოსილი ორგანოს/პირის წინასწარი თანხმობა/ნებართვა იმ შემთხვევაში, თუ პროექტის განხორციელება გულისხმობს რაიმე ტიპის ნებართვის აუცილებლობას;
 - ბ.გ) პარტნიორების ფინანსური, ან სხვა ტიპის თანამონაწილეობის შესახებ ინფორმაცია და თანამონაწილეობის დამადასტურებელი დოკუმენტი ასეთის არსებობის შემთხვევაში;
 - ბ.დ) ამონაწერი საჯარო რეესტრიდან კონკურსანტის შესახებ და ბანკის მიერ გაცემული დოკუმენტი ორგანიზაციის საბანკო რეკვიზიტების შესახებ (გარდა სამინისტროს მმართველობის სფეროში მოქმედი ორგანიზაციებისა);
2. კონკურსანტი უფლებამოსილია, შეცვალოს წარმოდგენილი საპროექტო განაცხადი, ან/და დამატებით წარმოადგინოს დოკუმენტაცია მხოლოდ კონკურსის ფარგლებში საპროექტო/საკონკურსო განაცხადების მიღების ვადის დასრულებამდე.
3. კონკურსანტს, ამ მუხლის პირველი პუნქტით განსაზღვრული დოკუმენტების წარმოდგენისას, ხარვეზის აღმოსაფხვრელად, განესაზღვრება 2 სამუშაო დღე, რომლის გამოუსწორებლობის შემთხვევაში წარმოდგენილი დოკუმენტაცია რჩება განუხილველი.

მუხლი 4. შერჩევის კრიტერიუმები

1. სამინისტროში კონკურსის ფარგლებში რეგისტრირებულ ინფორმაციას პროექტის შესახებ განიხილავს და შეაფასებს მინისტრის ბრძანებით დამტკიცებული საკონკურსო კომისია.
2. კონკურსის ფარგლებში მოწონებული პროექტების გამოვლენა საკონკურსო კომისიის მიერ ხორციელდება შემდეგი კრიტერიუმების საფუძველზე, 30 ქულის ფარგლებში.

N	შეფასების კრიტერიუმი	ქულა
1	პროექტის შესაბამისობა კონკურსის მიზანთან და სამინისტროს მიერ განსაზღვრულ პრიორიტეტებთან	0-10
2	პროექტის მოსალოდნელი შედეგის გამოძვადობა (მდგრადობა)	0-5
3	ბიუჯეტის შესაბამისობა პროექტის მიზანთან მიმართებაში	0-5
4	შესაბამისი პროექტების განხორციელების გამოცდილება	0-5
5	პარტნიორების ფინანსური ან სხვა ტიპის თანამონაწილეობის რეალურობა ¹	0-5
სულ		30

3. პროექტების შეფასების შედეგად, საკონკურსო კომისია იღებს შემდეგ გადაწყვეტილებას:

- ა) პროექტის სრულად დაფინანსების შესახებ;

¹თუ პროექტი სრულად დაფინანსდება პროგრამის ფარგლებში, პროექტის შეფასებისას მაქსიმალური ქულაა 25.

- ბ) პროექტის სამინისტროდან მოთხოვნილი თანხით ნაწილობრივ დაფინანსების შესახებ;
 - გ) პროექტის დაფინანსებაზე უარის თქმის შესახებ;
 - დ) პროექტის კორექტირების შესახებ.
4. საკონკურსო კომისია გადაწყვეტილებას იღებს იმ პროექტის დაფინანსების შესახებ, რომელიც ქულათა მეტ რაოდენობას დააგროვებს. თანაბარი ქულების დაგროვების შემთხვევაში უპირატესობა მიენიჭება კონკურსანტს, რომელიც პირველი და მე-2 კრიტერიუმების შეფასებით დააგროვებს ქულათა უფრო მაღალ ჯამს.
 5. პროექტის ნაწილობრივი დაფინანსების შემთხვევაში საკონკურსო კომისია უფლებამოსილია, კონკურსანტს მოსთხოვოს პროექტის შესახებ დამატებული ინფორმაციის წარმოდგენა საკონკურსო კომისიის მიერ განსაზღვრული დაფინანსების ფარგლებში, რაც კონკურსანტმა უნდა წარმოადგინოს მოთხოვნიდან 2 სამუშაო დღის ვადაში. ამ ვადის დაუცველობის, ან ამ ვადაში დოკუმენტაციის არასრულად წარმოდგენის შემთხვევაში კონკურსანტი კონკურსიდან მოხსნილად ითვლება. მოცემული მიზეზით კონკურსიდან მოხსნის შესახებ ინფორმაცია კონკურსანტს ეგზავნება საკონკურსო კომისიის მდივნის მიერ.
 6. საკონკურსო კომისიის წევრები ვალდებული არიან დაიცვან კონფიდენციალურობა და არ გაამჟღავნონ კონკურსის მიმდინარეობასთან დაკავშირებული ინფორმაცია საკონკურსო კომისიის მუშაობის შედეგების ოფიციალურ გამოქვეყნებამდე.
 7. დასაფინანსებელი პროექტის/პროექტების განსაზღვრისა და შესაბამისი ფინანსური ხელშეწყობის თაობაზე ბრძანების გამოცემიდან 2 სამუშაო დღის ვადაში კონკურსში გამარჯვებული პროექტის განმახორციელებელ პირთან გაფორმდება შესაბამისი ხელშეკრულება.
 8. დაფინანსებული პროექტის წარმატებით განხორციელების მიზნით, წინასწარი ანგარიშსწორება დასაშვებია პროექტის განმახორციელებელი პირის მოთხოვნით შემდეგი პირობებით:
 - ა) საბანკო/საღაზღვევო გარანტიის გარეშე, პროექტის ღირებულების არაუმეტეს 25% -ის ოდენობით;
 - ბ) საბანკო/საღაზღვევო გარანტიის წარმოდგენის ვალდებულებით, პროექტის ღირებულების არაუმეტეს 90%-ის ოდენობით.

მუხლი 5. კონკურსის ვადები

1. საკონკურსო განაცხადები მიიღება **2023 წლის 1 თებერვლიდან 2023 წლის 10 თებერვლის 12:00 საათამდე** სამინისტროში, მისამართზე: თბილისი სანაპიროს ქ. N4 მაგერიალური სახით ან სამინისტროს ოფიციალურ ელექტრონულ ფოსტაზე - info@culture.gov.ge ელექტრონული დოკუმენტის სახით. კონსულტაციები შესაძლებელია სამინისტროს ცხელი ხაზის საშუალებით გელ N: 032 2 022229 ან 599 25 21 88 სამუშაო საათებში.
2. ინფორმაცია კონკურსში გამარჯვებული პროექტების შესახებ გასაჯაროვდება სამინისტროს ოფიციალურ ვებ-გვერდზე არაუგვიანეს **2023 წლის 22 თებერვლისა**.
3. კონკურსის დასრულების შემდეგ, საკონკურსო განაცხადი და თანდართული დოკუმენტაცია სამინისტროს მიერ კონკურსანტს უკან არ დაუბრუნდება.

საქართველოს კულტურის, სპორტისა და ახალგაზრდობის მინისტრის 2021 წლის 3 ივნისის „საქართველოს კულტურის, სპორტისა და ახალგაზრდობის სამინისტროს მიერ კულტურის სფეროში განსახორციელებელი ღონისძიებების/პროექტების ხელშეწყობის პირობების და დაფინანსების წესის შესახებ“ N7864 ბრძანება და ფორმულარები იხილეთ შემდეგ ბმულებზე:

